

Na osnovu ovlaštenja iz člana 28. stav 1. Zakona o međunarodnom i međuentitetskom cestovnom prijevozu ("Službeni glasnik BiH", broj 01/02 i 14/03) i člana 17. Pravilnika o kriterijima, postupku i načinu raspodjele stranih dozvola za prijevoz tereta domaćim prijevoznicima („Službeni glasnik BiH”, broj 35/02, 79/09 i 83/14), uzimajući u obzir odredbe Vodiča o CEMT multilateralnoj kvoti Međunarodnog transportnog foruma (izdanje 01.01.2014. godine), ministar komunikacija i prometa Bosne i Hercegovine, objavljuje

## **O B A V J E Š T E N J E**

### **o pokretanju postupka raspodjele CEMT dozvola i bilateralnih godišnjih dozvola za Francusku, Belgiju i Holandiju za 2017. godinu**

Obavještavaju se prijevoznici iz Bosne i Hercegovine koji obavljaju međunarodni cestovni prijevoz tereta da Ministarstvo komunikacija i prometa Bosne i Hercegovine (u daljnjem tekstu: Ministarstvo) pokreće postupak za raspodjelu CEMT dozvola i bilateralnih godišnjih dozvola za 2017. godinu.

#### **I RASPODJELA CEMT DOZVOLA**

Ministarstvo za 2017. godinu raspodjeljuje ukupno **1332 CEMT dozvole**, od čega **1080 CEMT dozvola** minimalno za vozila EKO-5 karakteristika i **252 CEMT dozvola** minimalno EKO-6 karakteristika, prema sljedećem:

- **96 CEMT dozvola** koje važe za Austriju, a ne važe za Italiju i Grčku minimalno za vozila EKO-5 karakteristika (u daljnjem tekstu: **A**);
- **222 CEMT dozvole** koje važe za Italiju, a ne važe za Austriju i Grčku minimalno za vozila EKO-5 karakteristika (u daljnjem tekstu: **I5**);
- **80 CEMT dozvola** koje važe za Italiju, a ne važe za Austriju i Grčku minimalno za vozila EKO-6 karakteristika (u daljnjem tekstu: **I6**);
- **90 CEMT dozvola** koje važe za Grčku, a ne važe za Austriju i Italiju minimalno za vozila EKO-5 karakteristika (u daljnjem tekstu: **GR**);
- **672 CEMT dozvola** koje ne važe za Austriju, Italiju i Grčku minimalno za vozila EKO-5 karakteristika (u daljnjem tekstu: **O5**);
- **172 CEMT dozvola** koje ne važe za Austriju, Italiju i Grčku minimalno za vozila EKO-6 karakteristika (u daljnjem tekstu: **O6**).

#### **II RASPODJELA BILATERALNIH GODIŠNJIH DOZVOLA**

Ministarstvo, u skladu sa međunarodnim bilateralnim sporazumima, pokreće postupak za raspodjelu godišnjih bilateralnih dozvola za 2017. godinu, i to:

- 1) 5 dozvola koje važe za bilateralni prijevoz između Bosne i Hercegovine i Belgije,
- 2) 15 dozvola koje važe za bilateralni prijevoz između Bosne i Hercegovine i Francuske i
- 3) 15 dozvola koje važe za bilateralni prijevoz između Bosne i Hercegovine i Holandije.

#### **III UVJETI ZA UČESTVOVANJE**

U postupku mogu učestvovati prijevoznici koji ispunjavaju sljedeće uvjete:

1. imaju licencu prijevoznika koja važi za obavljanje međunarodnog cestovnog prijevoza tereta;
2. nemaju neizmirenih obaveza po indirektnim porezima za prvih šest mjeseci tekuće godine;
3. nemaju neizmirenih obaveza po direktnim porezima za prvih šest mjeseci tekuće godine;
4. nemaju neizmirenih obaveza za doprinose za penziona i invalidsko osiguranje za prvih šest mjeseci tekuće godine za sve zaposlene.

#### **NAPOMENE:**

Prijevoznici koji ne dokažu da ispunjavaju bilo koji od uvjeta iz tačaka 1. do 4. ovog poglavlja ne mogu učestvovati u ovom postupku raspodjele dozvola.

#### **IV BLIŽI KRITERIJ ZA RASPODJELU DOZVOLA ZA 2017. GODINU**

Raspodjela dozvola za 2017. godinu će se vršiti prema broju vozila i kvaliteti voznog parka, što će se bodovati na sljedeći način:

##### **Broj vozila i kvalitet voznog parka**

Broj bodova po osnovu broja vozila i kvaliteta voznog parka predstavlja se obrascem:  $nEKO5 \times 1 + nEKO6 \times 1,20$ , gdje je n – broj vozila određene kategorije.

Pri tome:

1. za dodjelu dozvola EKO-5 se uzimaju u obzir vozila minimalno EKO-5 karakteristika;
2. za dodjelu dozvola EKO-6 se uzimaju u obzir vozila EKO-6 karakteristika.

Bodovi, u zavisnosti od nosivosti vozila, osim za teretna vozila za prijevoz putničkih automobila (vučni voz), umanjuju se na sljedeći način:

- a. za vozila ili skup vozila nosivosti veće od 12 tona a manje od 20 tona ili jednake - 40%;
- b. za vozila ili skup vozila nosivosti veće od 7 tona i manje od 12 tona ili jednake - 90%;
- c. za vozila ili skup vozila nosivosti manje od 7 tona -100%;
- d. za vozila ili skup vozila za prijevoz nafte i naftnih derivata -70%;
- e. za vučna vozila bez odgovarajućeg priključnog vozila – 80%.

#### **V RASPODJELA CEMT DOZVOLA U REDOVNOM POSTUPKU**

Raspodjela CEMT dozvola za 2017. godinu u redovnom postupku će se izvršiti prema rang-listi koja će se formirati prema broju bodova dodijeljenim prema bližim kriterijima, a prema prioritetima po svakoj vrsti dozvole iskazanim u zahtjevu prijevoznika. Pri tome, za učestvovanje u postupku dodjele predmetnih dozvola potrebno je da prijevoznik ima najmanje sljedeći broj bodova prema vrsti dozvole, pri čemu se faktor D računa kao odnos ukupnog broja bodova svih prijevoznika podijeljen sa raspoloživim brojem dozvola ( $Ax3+Ix2+Gr+O$ ):

- Dx3 boda za učestvovanje u postupku dodjele CEMT dozvola A;
- Dx2 boda za učestvovanje u postupku dodjele CEMT dozvola I5 i I6;
- D bodova za učestvovanje u postupku dodjele CEMT dozvola GR;
- D bodova za učestvovanje u postupku dodjele CEMT dozvola O5 i O6.

Pripadajući broj dozvola za pojedinog prijevoznika utvrđuje se prema ukupnom broju bodova tog prijevoznika u odnosu na ukupan broj bodova svih prijevoznika koji su u propisanom roku podnijeli zahtjeve, te raspoloživog broja CEMT dozvola.

Postupak raspodjele dozvola provodi se po sljedećem redoslijedu: raspodjela CEMT dozvola koje važe za Austriju, raspodjela CEMT dozvola koje važe za Italiju, raspodjela CEMT dozvola koje važe za Grčku i na kraju raspodjela CEMT dozvola koje ne važe za Austriju, Italiju i Grčku.

Vrijednost za svaku vrstu dozvole pri raspodjeli računa se tako što se ukupan broj bodova prijevoznika koji učestvuju u raspodjeli za tu vrstu dozvole podijeli sa brojem raspoloživih dozvola.

Prijevozniku se ne može dodijeliti više od 3% ukupnog broja dozvola.

Za raspodjelu dozvola sljedeće vrste prijevozniku se umanjuju bodovi za svaku prethodno dodijeljenu dozvolu prema odredbama stava (1) ovog poglavlja.

*NAPOMENE:*

U slučaju istog broja bodova, prednost se daje prijevozniku sa većim brojem zaposlenih vozača, koji posjeduju važeće kvalifikacione kartice.

**VI POSTUPANJE SA ZAHTJEVIMA**

Ministarstvo je dužno do 21. 11. 2016. godine na službenoj internet stranici Ministarstva objaviti preliminarnu listu prijevoznika koji su pravovremeno dostavili zahtjeve sa utvrđenim brojem bodova, na koju se može izjaviti prigovor u roku od osam dana od dana objave.

Ministarstvo je dužno najkasnije do 12. 12. 2016. godine objaviti listu raspodjele CEMT dozvola za 2017. godinu, po svakoj vrsti dozvole.

Rješenje o dodjeli CEMT dozvola prijevozniku obavezno sadrži podatke o broju ostvarenih bodova, vrstu i broj dozvola koje se dodjeljuju, te bliže uvjete korištenja.

**VII ZAHTJEV I POTREBNA DOKUMENTACIJA**

Zahtjev za dodjelu CEMT dozvola za 2017. godinu se podnosi na obrascu koji je sastavni dio ovog obavještenja i koji se može preuzeti sa službene internet stranice Ministarstva <http://www.mkt.gov.ba> ili u prostorijama Ministarstva, Trg BiH br. 3, Sarajevo.

Prijevoznici koji imaju potrebu za prijevozom u Rusiju, obavezni su to posebno naznačiti na svom zahtjevu za dodjelu CEMT dozvola. Uz zahtjev za dodjelu CEMT dozvola za 2017. godinu prijevoznik mora priložiti original ili ovjerene kopije sljedećih dokumenata:

- 1) važeću licencu prijevoznika koja vrijedi za obavljanje međunarodnog cestovnog prijevoza tereta;
- 2) uvjerenje ili potvrdu izdatu od nadležnog tijela kojom se potvrđuje da podnositelj zahtjeva nema neizmirenih obaveza po indirektnim porezima za prvih 6 mjeseci tekuće godine;
- 3) uvjerenje ili potvrdu izdatu od nadležnog tijela kojom se potvrđuje da podnositelj zahtjeva nema neizmirenih obaveza po direktnim porezima za prvih 6 mjeseci tekuće godine;
- 4) uvjerenje ili potvrdu izdatu od nadležnog tijela kojom se potvrđuje da podnositelj zahtjeva nema neizmirenih obaveza za doprinose za penziono i invalidsko osiguranje za prvih 6 mjeseci tekuće godine za sve trenutno zaposlene.

Pored toga, podnositelj zahtjeva za svako kandidirano vozilo mora priložiti original ili ovjerenu kopiju potvrde o registraciji iz koje se jasno može utvrditi da je, na dan podnošenja zahtjeva, registracija na podnositelja zahtjeva kandidiranog teretnog, vučnog ili priključnog vozila važeća.

*NAPOMENE:*

Prijevoznik koji ima zaključen reprogram o izmirenju obaveza po osnovu indirektnih ili direktnih poreza ili doprinosa za penziono i invalidsko osiguranje, a kojim su obuhvaćene ove obaveze za prvih šest mjeseci tekuće godine, mora dostaviti original ili ovjerenu kopiju reprograma o izmirenju obaveza, kao i original ili ovjerenu kopiju uvjerenja ili potvrde nadležnog tijela da redovno izmiruje obaveze iz reprograma.

Dokumenti koji nisu dostavljeni kao original ili ovjerene kopije neće se uzimati u obzir.

### **VIII PROVJERA PRILOŽENE DOKUMENTACIJE**

Ispunjenost uvjeta Ministarstvo utvrđuje i uvidom u službenu dokumentaciju i službene evidencije Ministarstva, uvidom u dostavljenu dokumentaciju uz zahtjev, te službenom provjerom kod nadležnih tijela Bosne i Hercegovine, entiteta i Brčko distrikta Bosne i Hercegovine.

Ministarstvo ima pravo provjere priložene dokumentacije putem nadležnih tijela u Bosni i Hercegovini.

O ispunjenosti uslova propisanih članom 19. stav (3) tač. h), i) i j) podnosilac zahtjeva daje pisanu izjavu na obrascu iz poglavlja VII stava 1 ovog obavještenja.

Zahtjev za dodjelu dozvola se neće razmatrati ukoliko se provjerom utvrdi da je podnosilac zahtjeva dao netačne podatke.

### **IX POSEBNE NAPOMENE**

Ministarstvo zadržava pravo izmjene ovog Obavještenja, u cijelosti ili djelimično, po istom postupku kao i kod objave ovog Obavještenja.

### **X DOSTAVLJANJE ZAHTJEVA**

Zahtjev sa traženom dokumentacijom za dodjelu CEMT dozvola za 2017. godinu i zahtjev sa traženom dokumentacijom za dodjelu bilateralnih godišnjih dozvola za Francusku, Belgiju i Holandiju za 2017. godinu podnosi se putem pošte, preporučeno, na adresu:

**Ministarstvo komunikacija i prometa BiH  
Trg BiH 3, 71 000 Sarajevo  
« za raspodjelu CEMT dozvola za 2017. godinu »**

Zahtjev podliježe plaćanju administrativne takse u iznosu od 5,00 KM.

Krajnji rok za podnošenje zahtjeva sa traženom dokumentacijom je **31. 10. 2016. godine.**

Sarajevo, 17. 10. 2016. godine.

**MINISTAR**

**mr. Ismir Jusko**